



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 138. De traditione Arnulfi bonorum in villa Billurbeki in pago Fleithi.

urn:nbn:de:hbz:466:1-36114

Ab anno
866 usque
853 im-
perante
Hludo-
uico et

§. 138.

Tradidit arnulf quiddam habuit in *billurbeki* (R) tam in terris et siluis pascuis aquarumque decursibus quam etiam latos iudem incolentes. testef ecbert hrodbert anulo thesilo et alii V.

§. 139.

men eidem pago hæsisse ab Ambronibus vel Angariis, iam definire non licet. Originatio videtur exorta ex situ ad montem, *amberge*, siquidem a silua Harz exoritur ac Nette amnis sequitur decursum. Nulla prorsus verosimilitudine dicitur hic pagus *Halsala* seu *Halsala* fuisse adpellatus, licet b. *Lauensteinius* sibi ita persuasisset in *Historia Hildesensis* p. 18, ideo censoria animaduersione notatus a Doctis Lipsiensibus in *Novis Eruditorum Actis* mensis Martio 1741 p. 157. Diploma enim, cuius interuentu anno 1001 castellum Dalehem, situm in pago *Halsala* siue *Ambergan*, vti legit *Schatenius* in *Annal. Paderb.* P. I. p. 357. seu vti legit *Eccardus* in *Hist. Gen.* p. 296. in pago *Halsala* siue *Ambergau*, Otto III donasse creditur *Hildeneshemensi* præfati Bernwardo, sine vlllo dubio supposititium est, vti iam agnouerat *Harenbergius* in *Vindiciis* §. 59. p. 37. Hinc risum tenebunt amici, si in *Lauensteinii Historia Episcopatus Hildesensis vindicata* p. 23. viderint, *Lauensteinium* se *Harenbergii* opinione, ab ipso *Harenbergio* dudum refutata, iuisse vindicatum, ac præterea *Harenbergio* ibi multis sarcasticis questionibus, errantium propriis, insultasse. Egregia et perbella ratio hæc est se suaque defendendi, eisque sua de meliori nota commendandi, qui amant ampullas et sesquipedalia verba. *Upsedi* villa pridem dicitur *Upsed*, locus in episcopatus *Hildesensis* præfectura *Woldenberg* vix itinere vnus horæ ab oppido *Bokelen* septentrionem versus, dimidium vero horæ a castro *Woldenberg* occidentem versus disiunctus, non procul a vico *Nette* conspicuus. Eadem autem hæc villa *Upsedi* est alibi villa *Upsede*, quam tempore *Otonis M.* atque *Otwinii* episcopi *Hildesensis* incolebat *Macco*, ecclesie *Hildesensis* aduocatus. Qui cum probabilissime inter progenitores comitum *Woldenbergensium* sit referendus, *Thiadbern*, qui possessor fuit bonorum, in eadem villa traditorum ecclesie *Corbeiensis*, ad eandem familiam spectasse fortassis videtur. De *Macone* confer *Translationem S. Epiphani in Hildesheim* Tom. I. S. R. B. *Leibniti* f. 259. Vt vero tandem ostendamus, pagum *Ambergo* nomen non accepisse a fluuio *Ambra*, vulgo dicto *die Emmer*, (qui in episcopatu *Paderbornensi* alluit oppida *Steimen* et *Lüde*, et tandem se exonerat in *Vifurgim*.) vti *C. F. Paulinius* arbitratus est in *Commentario de Pagis* p. 8. sed conspicuum fuisse in episcopatu *Hildesensi*; iam supra eo sine produximus (§. 53.) *Astenbecki* et (§. 119.) *Hricon* villas, per quas designari intelleximus *Astenbeck* et *Rehne*, vicus ad fluuium, dictum *die Innerste*, in præfectura *Woldenbergensi*, et (§. 127.) *Riudiun* et *Riudianam marcum*, quæ erant vicus *Rüden*, et regio, circa *Rüden* intra præfecturam *Bilderlah* obuia. His ex Registro nostro addimus villam *Selide*, per quam significari intelligimus vicum *Seblem* ad radices montis *Heinberg* et ad fluuium, dictum *die Innerste*, in præfectura *Woldenberg*, situm, qui in noua charta geographica episcopatus *Hildesensis* doctissimi domini *Arenholdi* ex errore chalcographi appellatur *Schlade*. Hunc vero vicum noscere et probe discernere necessum est a *Sehlen*, vico in eiusdem episcopatus *Hildesensis* præfectura *Winzenburg*. Hanc differentiam locorum exploravi, cum anno 1741 mense decembri in fluuio *Innerste* ad molam prioris *Selem*, vbi transitus est, cum vxore et liberis de vita periclitarer. Accedunt autem his villis alie ex aliis litterariis documentis. Huc refer villam *Pateleche*, quam *Lauensteinius* cum *Grupenio* in *Discept. Forens.* p. 550. pro *Bidelah* venditat. Idem olim senserat *Harenbergius*, docens postea, ex quo litteras feudales *Wallmodiorum* inspexerat, villam *Pedel* haud procul ab oppido *Sesen*, versus montes *Herciniae* ad meridiem inter villas desolatæ *Saxonie* nostræ recensendam esse. Eodem refer locum *Daleheim*, in *Bidelah* præfectura episcopatus *Hildesensis* situm, *Königsdahlen* vulgo dictum, et denique *Schufam*, prædium, et *Schufaburgum*, oppidi *Sesen* castrum in principatu *Wolferbutteleni*. *La* est locus stagnatione abundans aquarum. Ad flumen *Nette* existit olim eiusmodi stagnatio lacusque. Inde nomina traxerunt loca *Engela* et *Bidemla*.

De villa
Billur-
beki.

(R) De villa *Billurbeki* vide supra §. 127. not. (f) vnam enim eandemque hanc villam esse, ex nostro patet Registro.